

聖王濟總錄

百卷

庫文閣內

內閣文庫

番號 漢 12609

冊數 200 (167)

函號 300 212



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak










大學東  
校典籍  
局之印



大德重校聖濟總錄卷第一百六十九


小兒門



小兒瘡疹

小兒驚熱

小兒急驚風



總錄一百六十九

一



小兒急驚風

小兒驚風

小兒驚風

小兒門

大醫家外經卷之六十九

小兒瘡疹

論曰小兒稟受純陽府藏蘊熱自內出外隨氣熏蒸散  
 於榮衛肌肉之間留連肉腠或因飲熱乳或因遇時疫  
 熱氣乘其肌肉嫩弱遂變瘡疹微者其邪在府發為細  
 疹狀如蚊喙所螫點點赤色俗號麩瘡甚者其邪在藏  
 發為豆瘡狀如豌豆根赤頭白穴出膿水俗號疱瘡皆  
 於未發之時先蒸熱如傷寒狀頭痛面赤目黃徧身皆  
 熱腰背疼痛小便赤色大便或溏或澀煩渴引飲甚則  
 譫言其脉浮大洪數審得其證速宜疎利藏府然亦須  
 詳審若大便已利或瘡已出者皆不可疎亦不可汗若



發其表則瘡空開泄更增斑爛倉公扁鵲常用油劑草劑其法最妙大率湯劑之用所以透肌和裏開通中外使疹毒通快不致壅闕去其邪毒乃得痊差然食乳嬰孩與童兒瘡疹治法不同嬰孩之病唯宜調節乳母令氣血清和乳汁通利最爲要法若初斷乳小兒則以湯劑和其陰陽調其榮衛既差之後尤宜利其藏府以去餘毒此治瘡疹之大法也

治絕乳嬰孩并童兒患疹豆疾候初覺多似傷寒面色與四肢俱赤壯熱頭痛腰脊疼足多厥冷眼睛黃色脉息多浮洪至數數大不定小便赤少大便多秘纔覺四

肢色候及脉息雖是疹豆疾未攻皮毛穴出者便可以服餌勻和藏府疎泄遂下藥按倉公論云可服油劑不可用燥藥不若疹已結在皮毛穴處微微出卽不可疎泄可用冷藥也或疹出太盛竇穴膿水者可疎利也或未與疎轉卽且急服紫草湯劑紫草湯方

紫草貳兩新者

右一味細剉先以百沸湯浸便以物合定勿令紫草氣出放令如人體溫凡五十日至一百日嬰孩服半藥注子一百五十日至二百日嬰孩服一注子一歲至二歲兒服半合三歲至四歲兒服一合並於食前



午後服此湯疹豆雖出勢亦輕耳常服無妨

治小兒藏府伏熱未成疹子疾候四肢微覺有熱食物

似減頭髮乾直或時額上微熱宜服生油湯劑法扁鵲及倉

公用謂之神劑

### 生油一盞

右令如人體溫將熟水一小盞旋旋入油碗內不住

手以筋打攪候入熟水盡令勻如蜜卽止夜臥時服

三歲至百碎兒每服二蜆殼許五歲至七歲兒每服

三蜆殼許十五歲每服三大蜆殼許直至大人每服

五蜆殼許或三大合每日飯後良久與服服了令臥

少時如三五服大小便利四肢熱退則疹豆不復發

當自安也

治疹豆欲令速出胡荽酒方胡荽酒方

### 胡荽半握

右一味細剉先以酒二升煎令百沸浸胡荽便以物

大合定不令氣出候冷去滓微微從項以下噴背脊及

兩脚胸腹令徧唯不可噴面

治瘡疹將發證候已見當護面目勿令黏染欲用胡荽

酒噴時當先用此方塗面上大人嬰孩有此疾悉宜護

面黃藥膏方



黃蘗去麤皮

藜豆壹兩

甘草炙肆兩

右三味搗羅為末再研令勻細以生麻油調如薄膏從耳門前及眼窠並厚塗晝夕三五上塗面後可用胡荽酒噴也如用此方塗面縱出疹豆亦少

大人小兒瘡疹出護眼法

右纔覺患以鹽花少許湯浸了令溫洗兩眼晝夕可三兩度大人以指搵鹽花水點眼內旋以帛子拭之初用眼即多痛用三上後即不覺痛不計大人小兒或患欲退時眼內有餘熱者亦宜用此法洗點

治小兒未滿百日患豆瘡槐白皮湯浴方

槐白皮壹兩

益母草伍兩

右二味以水五升煎至三升去滓浴兒了更取芸薹菜濃煎汁再浴作芸薹菜與乳母喫亦佳

治小兒斑瘡豌豆瘡青黛散方

青黛研如粉半兩

鐵精漿壹升

右二味將青黛為散臨時斟酌鐵漿調之一百日兒至二百日兒每服一字匕乳前服一歲兒至二歲半錢匕食前午後各一服隨兒大小以意加減

治小兒斑瘡豌豆瘡方

右取熟煮大豆汁服之



治小兒斑瘡豌豆瘡方

頭髮壹兩  
燒灰

右一味研羅為末湯調服兩字隨兒大小以意加減

治瘡疱將出未能勻徧透肌解毒必勝湯方至一二錢半

惡實不拘多  
少炒熟

右一味麤擣篩每服二錢匕入荆芥二穗水一小盞

同煎至六分去滓放溫分作三服如瘡疹已出後與

服亦妙

治小兒瘡疱出不快或黑陷木通湯方

木通

枳殼去瓤  
麩炒

甘草炙

紫草茸

右四味等分麤擣篩每二錢匕水八分煎至六分去

滓分溫三服

治小兒瘡疹欲出不快四味散方

大鰕乾者  
為末

積豬乾血

惡實

甘草炙等  
分

右四味為散三歲以下半錢匕五歲以上一錢匕煎

赤芍藥酒調下不拘時候日夜各一服

治小兒斑瘡毒氣不快敗毒湯方

紫草

板藍根各半  
兩



右二味麤搗篩每二錢匕水八分煎至五分去滓分溫二服

治小兒麩豆瘡欲出渾身壯熱情緒不樂不思飲食四妙湯方

紫草 升麻 糯米各壹兩

甘草生壹分

右四味麤搗篩每二錢匕水一小盞煎至六分去滓分溫二服日三

治小兒瘡疹出遲發毒散方  
地龍去土 防風去叉

右二味等分搗羅為細散每服一字匕用酒水各少許調下不拘時候

治小兒瘡豆將出人參湯方

人參壹錢 葡萄苗壹分 林檎壹枚

木猴梨柒枚

右四味各剉碎以水兩盞煎至一盞去滓放冷時時令喫

治小兒瘡疹不出青黛散方

青黛螺兒者不多

右一味研為散每服半錢匕新汲水調服



治小兒瘡疹毒氣出不快及觸犯黑色奪命煎法

牛李子黑熟者

右一味用八月九月內採不計多少沙盆內研生絹絞取汁銀石器內慢火熬成煎盛在瓷器內勿令透風煎杏膠湯化一皂子大與服如人行二十里更進一服其瘡自然紅色毒氣便慢杏膠只於七月內收

治小兒瘡子不出煩悶驚悸浮萍丸方

浮萍草陰乾

晚蠶沙

白薄荷葉各壹分

右三味搗研為末用薄荷自然汁煮麩糊和為丸如

雞頭大每服一九薄荷湯化下不拘時

治發斑瘡千金散方

石榴葉不拘多少

右一味為散每服一字或半錢匕溫水調下

治小兒出瘡子不透旋出旋焦者龍腦散方

龍腦

牛黃

丹砂

地龍去土取末

麝香

乳香

雄黃各壹錢研

鱖鯉甲伍片燒灰

紫草兩半

甘草生剉貳兩

木猴梨伍拾枚切焙

右一十一味搗研為散用豬尾上血拌勻入在竹筒



子內用油單封裹線纏定於深坑子內調稀豬糞浸  
二七日取出淨洗每服一皂子大龍腦水化下併三  
服見効

治小兒瘡疹毒氣不出或出後乾黑色服此藥發出毒  
氣定命散方

丹砂研半兩

龍腦研

乳香研

馬牙消研

甘草為末各錢

右五味再同研勻用十二月新穢豬血半升同研勻  
取青竹筒長二尺留兩頭節開一頭作竅注藥在內  
黃蠟塞定以油絹緊裹封勿令透氣埋地坑中至一

百五日取出水洗掛風中四十九日劈開取藥研為  
細散每服半錢匕新水調下

治小兒瘡疹倒厭紫雪湯方

紫草茸

地龍去土等分

右二味為麤末每服二錢匕用水酒共七分煎至四  
分去滓溫服

治小兒瘡疹惡候不快及黑瘡子應一切惡候無比散  
方

丹砂壹兩

牛黃

麝香

龍腦

膩粉各細研壹分



右五味同研為散每服小兒一字大人半錢以水銀

少許津唾研同小豮豬尾上血三兩滴新汲水少許

同調服先寧穩得睡然後取轉下如爛魚腸葡萄穗

之類涎殞惡物便安小兒用爛汁調下尤妙

治小兒瘡疱欲出不出雖出不快及倒厭者神効散方

右用抱雞子殼內白皮不拘多少以木炭火燒為灰

出火毒研細以新汲水調下一錢匕

治小兒斑毒倒厭發斑方

人牙伍枚

右燒灰入麝香半字同研為細散分三服溫酒調下

治小兒瘡豆蓄伏黑陷通神散方

雄黃

通明者研水飛

麝香

用當門子為末各半錢匕

右二味同研細只作一劑一歲兒作三服溫酒調下

治小兒瘡子倒陷方

白殭蠶

炒

蟬殼

去土

右二味各三枚同為麤末水一盞半煎至半盞去滓

分作二服微熱服立出

治小兒瘡疹到厭黑色及出不快丁香散方

丁香

鹿肉

乾者各半兩

紫草壹分

右三味擣為細散每服二錢匕酒一盞入麝香少許



同煎至半盞放冷灌之如人行三二里再服立發紅色

治小兒瘡子黑陷不出黑金散方

豬懸蹄甲兩半 蛇蛻皮條參 鮫鯉甲壹分

猬皮壹枚 鴟翅壹對 蛤粉壹分

右六味都入在藏瓶內用鹽塗固濟燒一宿研為細

散一二歲每服半錢匕豬尾血溫湯調下不出再服

治小兒瘡子黑色人參丸方

人參壹分

右一味用牛李子汁瓷器內熬成膏和為丸如豌豆

大每服一丸杏膠湯化下不拘時

治小兒瘡子黑色及出不快神驗散方

鮫鯉甲火炮黃色全 地龍去土炒

紫草伍枝

右三味擣羅為細散每服半錢匕溫酒調下後用衣

蓋印紅色出

治小兒觸著瘡子毒氣入裏瘡變黑色須臾不救再甦

散方

白礬熬令汁枯 地龍去土炒

右二味研為細散每服半錢匕用豮豬尾上血一椀



糾多同新水少許調下不拘時  
治小兒斑豆瘡退熱解躁沖和散方

白藥子 甘草各一分 雄黃 壹錢

右三味搗研為散每服半錢匕量兒大小加減蜜湯調下

治小兒斑毒不退南朱散方

赤豆 炒 槐花 炒各貳錢 麝香 研少許

右三味搗研為散每服一字匕溫酒調下量兒大小

治小兒出瘡解熱丸方

甘草 生剉 鐵粉 研 青黛 研各半兩

右三味搗研為末再研勻鍊蜜和丸如雞頭大每服一丸熟水化下

治小兒胗豆穴後滅癩痕棟實膏方

棟實 去核炒 槐子 各壹兩

右二味並拍碎用狗脂鵝脂各四兩同於銅銚內以文武火煎一二十沸去滓入在瓷合中候凝塗癩痕

又方

蜆子 活者



右一味以淮水或江水養五日旋取此水洗手面日漸生肉乃無癩痕

小兒驚熱

論曰心藏神而惡熱熱則神氣不得安靜動作多驚手足掣縮精神妄亂熱氣盛者或變驚癇內經謂驚則心無所倚慮無所定故氣亂也速用鎮神藏調心氣之劑則病斯差又有變蒸者其熱氣盛亦發微驚治法具變蒸門中

治小兒驚熱眠睡不穩釣藤飲方

釣藤參分

蚱蟬去頭足翅炙貳枚 犀角屑微炒

麥門冬焙去心

升麻各半兩

石膏搗碎分

芫胡去苗半兩

甘草微炙壹分

右八味麤搗篩每二錢匕水一小盞煎至六分去滓下竹瀝半合重煎三五沸分溫三服空心午後夜臥各一量兒大小加減

治小兒驚熱神志不安雄黃散方

雄黃研壹分

龍腦研半錢

麝香研半錢

丹砂研

黃芩去黑心

山梔子人

人參

犀角屑

大黃剉炒

桂皮去麤皮

甘草炙

牛黃研各半兩



虎睛壹隻

右一十三味搗研為散再同研勻一二歲兒每服半錢七三四歲兒每服一錢七並用薄荷湯調下早晨午後各一量兒大小加減

治小兒多驚身體壯熱吐乳不止犀角散方

犀角兩

牛黃壹錢

青黛研

熊膽壹分

右四味搗研為散再和勻每服一字七乳汁調下日二隨兒大小增減

治小兒驚熱心神躁悶胸膈不利痰涎嘔逆利膈鎮心

鐵粉煎方

鐵粉研

丹砂研

水銀沙子

馬牙消研

龍腦研各壹錢

天竺黃研

寒食麵各壹分

輕粉研半錢

真珠末貳錢

檳榔貳枚

麝香研

丁香末各壹錢

惡實壹分

右一十三味搗研為末和勻以生蜜少許調如膏每服一小皂子大用金銀薄荷湯化下量兒大小加減

治小兒驚風壯熱時氣瘡疹搖頭弄舌喉喎目澁多睡涎嗽兼治寒邪發熱及下利膿血金薄丸方



金薄肆拾

丹砂研

水銀沙子

麝香研

膩粉研各壹錢

牛黃研

青黛研

犀角末

白殭蠶炒

蟬蛻土去

麻黃去根節

白附子

乾蠍炒

天麻酒浸炙

天南星炮酒浸焙各壹分

右一十五味搗研為末再同研勻細生蜜和丸如梧

桐子大或如雞頭大每服以一九分三服不計時候

煎人參薄荷湯化下更量兒大小加減

治小兒驚熱鎮心化涎丹砂虎睛丸方

丹砂研壹兩

虎睛微炙對壹

牛黃研

龍腦研各壹錢半

麝香研壹錢

犀角屑

人參

白茯苓去黑皮

山梔子人

黃芩去黑心各壹兩

大黃濕紙裹煨熟

鈞藤各肆兩

右一十二味搗研為末再同和勻鍊蜜為丸如梧桐

子大每服半丸煎金銀湯化下量兒大小加減

治小兒驚熱不安青金丹方

青黛肆兩

甘草生取末貳兩

蟬蛻取末壹兩

麝香研壹分

人牛黃研

龍腦研各壹錢半

丹砂研壹分

龍齒搗為末

天竺黃搗研為末各半兩

右九味再同研令勻細用膠飴掇和丸如雞頭大每



一丸分作四服小兒驚啼薄荷湯研服兼塗頂及手足心此藥安和藏府鎮心祛毒安魂定魄調暢三焦解煩除熱大人煩躁每服一丸新汲水化下

治小兒驚熱睡中搖搗鎮心藏安神定魄紫霜散方

鉛霜 天竺黃 甘草生剉各壹錢

丹砂研壹兩半 鐵粉研半兩 龍腦研半錢

人參壹兩 使君子微煨各半兩

右八味先搗研為散再同研勻以瓷器盛每服一字

匕蜜水調下

治小兒驚熱心神不寧時發瘰癧蠟梢丸方

蠟梢微炒壹錢 白附子炮半兩 天南星炮壹分

夜明沙微炒半兩 白殭蠶直者炒柒枚 膩粉研壹錢

青黛研壹皂子大 龍腦研 麝香研各半錢

右九味搗研為末再同研勻麩糊為丸如雞頭大每服一丸薄荷湯化下臨臥服更量兒加減

治小兒驚熱涼膈化痰犀角餅子方

犀角鎊 真珠末 丹砂研

蓬砂研 粉霜研 膩粉

青黛 水銀與黑鉛結成沙子各壹分

龍腦研 麝香研各半錢



右一十味搗研為末再同研勻用山藥煮糊和丸如  
皂子大捏作餅子每服半餅薄荷湯化下食後臨臥  
服

治小兒驚熱涎盛風虛吐逆疳氣黃瘦吐瀉後生風金  
粟丸方

胡黃連 犀角 麝 丁香

木香 天竺黃 晚蠶蛾微炒為末

牛黃 丹砂 雄黃研各壹分

龍腦 麝香 粉霜研

蟾酥各壹錢

右一十三味搗研為末再同研勻用牛膽汁化蟾酥  
和丸如黃米大每服一丸溫水化下如驚風搐搦先  
用一丸溫水化灌在鼻內隨搐左右良久以嚏為効  
後用溫水化下三五丸若吐逆不止只倒流水化下  
二丸或三丸

治小兒狹熱多驚心神煩躁赤眼口瘡徧身壯熱大小  
便多秘或生瘡癬欬嗽多涎睡臥驚叫手足搐搦急慢  
驚風渴瀉等疾牛黃丸方

牛黃 丹砂 雄黃研各半兩

馬牙消 麝香 龍腦研各壹錢



大黃飯上炊參 黃芩去黑心 山梔子人

栝樓根剉 白藥子 甘草炙

天竺黃研各半兩 鬱金皂莢水浸參宿煮軟切作片焙乾壹兩

右一十四味研搗為末再同研勻鍊蜜和成挺子每

服旋丸一黑豆許用金銀薄荷煎湯化下量兒大小

加減與服

治小兒驚熱利膈墜痰涎丹砂丸方

丹砂研 馬牙消研 龍腦研

甘草生為末各壹分 牛黃研半錢 麝香研壹字

右六味再研令勻細鍊蜜和為劑每服旋丸小豆大

薄荷湯化下一方入雄黃一字寒水石末二錢名雄

朱膏

治小兒驚熱涎化熱鎮心丹砂丸方

丹砂研 麝香研 鐵粉各半兩

馬牙消研 遠志去心焙為末 牛黃研

膩粉各壹分 龍腦研半錢

右八味搗研為細末再同研勻鍊蜜為丸如梧桐子

大每服一丸薄荷湯化下加至二丸

治小兒一切驚熱涼心藏天竺黃散方

天竺黃壹分 大黃濕紙裹半兩 丹砂研半錢



馬牙消研壹

鬱金參分壹分生壹分炮壹分用水壹枕煮盡壹半取出焙乾

右五味搗研為散每服半錢匕薄荷自然汁入蜜熟水調下臨臥服如大人著熱新汲水調下一錢匕

治小兒驚熱眠中搐搦熊膽丸方

熊膽

胡黃連各貳錢

細墨燒過半錢

使君子

麩裏炮熟為末柒枚

天漿子麩炒去皮柒枚

青黛壹錢

麝香研半

寒食麩參錢

右八味搗研為末再同研令勻用白麩糊和丸如黍米大每服五丸至七丸不計時候煎白粳米飲下

治小兒驚熱化風壅涎嗽鎮心安神小天南星丸方

天南星

牛膽內櫃者研

人參

赤茯苓

去黑皮

真珠末

研

半夏

用生薑半兩同以水煮壹貳佰沸取出焙乾各半兩

丹砂

研壹兩

麝香

研

龍腦

研各壹錢

右八味搗研為末水浸炊餅心為丸如黍米大每服四丸至五丸不計時候煎金銀薄荷湯下

治小兒驚熱心神不安睡中語言及手足掣縮至聖青

金丸方

青黛

研

胡黃連

研

雄黃

研各半兩

龍腦

研壹錢

熊膽

研

盧會

研

丹砂

研

膩粉

研各壹分

白附子

研貳枚



麝香研半

蟾酥

水銀各壹皂

鈴霜壹錢

右一十三味除水銀外擣研為末再入乳鉢內并水

銀同研令勻用獾豬膽一枚取汁熬過浸蒸餅心少

許和丸如粟米大每服三丸至五丸薄荷湯下量兒

虛實加減

治小兒驚熱手足潮搐咬牙直視壓驚墜涎安神定魄

鎮心丸方

人參末

白茯苓去黑皮山芋末

凝水石煨

寒食麪各壹甘草末

麝香研半

龍腦研半

甜消研

丹砂兩貳

右一十味同研極細鍊蜜和丸如雞頭大每服半丸

至一丸食後臨臥煎金銀薄荷湯化下量兒大小加

減服

治小兒驚熱化痰涎安心神丹砂餅子方

丹砂研參

牛黃研

龍腦研

真珠末研

白附子

犀角鎊

麝香研各

天麻肆

人參

天南星酒浸參宿切

乾蠍全者去土



右一十一味搗研爲細末石腦油和丸如梧桐子大  
捏作餅子每服一餅子薄荷湯化下不拘時候量兒  
大小加減服

治小兒驚熱身體溫壯筋脉跳掣精神昏悶痰涎不利

天麻防風丸方

天麻

防風去

人參各壹兩

乾蠍全者炒

白殭蠶各半兩

甘草微炙

丹砂研

雄黃研

麝香研各壹分

牛黃研壹錢

右一十味搗研爲末鍊蜜和丸如梧桐子大每服二

丸煎薄荷湯化下不拘時量兒大小加減服

治小兒驚熱身體溫壯及傷寒四五日未得汗啼叫少

睡喫水無度鉛白霜丸方

鉛霜

馬牙消研

人參

天竺黃

甘草炙各半兩

丹砂研壹分

山梔子人壹兩

右七味搗研爲末鍊蜜爲丸如梧桐子大每服一丸

冷熟蜜湯化下更量兒大小加減服

治小兒驚熱手足掣縮精神妄亂天竺黃散方

天竺黃研

鬱金剉

犀角屑



黃芩

去黑心 各壹分

龍腦

研壹錢

人參

甘草

炙各半兩

右七味搗研為細散每服半錢匕生薑蜜水調下乳

食後服

治小兒驚熱神氣不安手足掣縮赤茯苓湯方

赤茯苓

去黑皮

凝水石

研各壹分

龍齒

研半兩

石膏

碎壹兩

麥門冬

去心焙

升麻

各參分

右六味麤搗篩一二歲兒每服半錢匕水三分竹瀝

三分同煎至三分去滓溫服早晨晚後各一更量兒

大小加減

治小兒驚熱神亂形躍鎮心散方

丹砂

研壹錢

犀角

鎊壹字

人參

參錢

白茯苓

去黑皮參錢

牛黃

研壹字

麝香

研參字

右六味搗三味為細散入研者三味再研勻薄荷湯

調下半錢匕或一字匕

治小兒驚熱大黃甘草飲方

大黃

剉炒

甘草

炙剉

芍藥

各半兩

當歸

切焙壹兩

右四味剉如麻豆以水三盞浸一宿煎取一盞澄清

兒生三日與一蜺殼許餘量兒大小加減服若一服



得快利即不須再服

治小兒驚熱身體溫壯小便澀少宜行小腸去心熱兒

自少驚亦不成疾凝水石散方

凝水石

滑石

水研令如泔漿盪取細者瀝乾更研無聲乃止各貳兩

甘草

生末壹兩

右三味研令勻每服半錢匕量兒大小加減熱月冷

水調下寒月溫水調下凡被驚及心熱臥不安皆與

一服加龍腦更良

治小兒驚熱多涎身熱痰瘡久痢吐乳或午後發熱驚

癇等疾丹砂丸方

丹砂

粉霜

各壹分

生龍腦

錢壹

右四味研令極細以軟粳米飯為丸如菘豆大一歲

一丸甘草湯下餘以意加減服

小兒急驚

論曰小兒急驚之狀身體壯熱痰涎壅滯四肢拘急筋

脉牽掣項背強直目睛上視牙關緊急謂其發動卒急

故名急驚也此因心絡受邪所致蓋心藏神而主血小

兒血氣不和宿有實熱若為風邪所乘則熱盛血亂血

氣相并則神舍不安故卒然而驚古人所謂陽癇者是



也

治小兒急驚涎盛搐搦剪刀股丸方

大戟

漿水壹盞略煮

石鷲子

搗

粉霜

研各貳錢

棘剛子

連肉肆拾貳枚

蠍梢

貳拾壹枚全者炒

盧會

壹錢

乳香

研

青黛

研各貳錢

龍腦

研

牛黃

研各半錢

右一十味搗研羅為細末用湯浸雪糕為丸如梧桐

子大每服一丸用剪刀股研破濃煎薄荷水化下如

口噤即幹開灌之

治小兒急驚涎潮昏塞發搐不定水銀丸方

水銀

半兩用黑鉛壹分結沙

巴豆

伍拾粒去皮心膜去油

膩粉

釋壹錢研

半夏

生為末半分

龍腦

研半錢

右五味同研勻入石腦油慢研如膏用油單密收每

服量兒大小旋丸如菉豆大一歲兒二丸煎金銀薄

荷湯下須更利下稠涎驚搐立定更不須服

治小兒急驚風四肢抽掣口噤上視雄黃丸方

雄黃

乳香

丹砂

牛黃

各壹分

鉛霜

熊膽

蠍梢

微炒為末

麝香

蟾酥

枯礬

各半分



右一十味同研令極細以糯米飯和丸如菉豆大每服三丸溫水下不拘時候量兒大小加減

治小兒急驚搐搦青金丸方

龍腦

膩粉

青黛

乳香

天南星

鉛白霜

粉霜

定粉

蠟梢

天漿子

各柒枚

右一十味搗研為末石腦油和成劑旋丸如黑豆大每服一九至二九量大小加減並薄荷水化下

治小兒急驚化涎鎮心神牛黃丸方

牛黃

蚱螂

天南星

膩粉

半夏

麝香

天漿子

參柒枚

丹砂

研半兩

右八味搗研為末燒粟米飯和丸如黍米大每服三丸五丸荆芥湯下不拘時候量兒大小加減

治小兒急驚風及四時傷寒渾身壯熱唇口焦乾兩目

翻露搐搦昏迷龍齒散方

龍齒

丹砂

鉛白霜

天南星

水浸柒日逐日換水薄切暴乾為末伍錢

龍腦

許少

右五味搗研為散每服一字七蒸白金銀湯調下三



服後汗出立愈

治小兒急驚風喉中有涎呀呷有聲壞涎丸方

雄黃

丹砂

鉛霜參味同研

甘草

炙為末

水銀

用棗瓤研令星盡為度

右五味等分一處研糯米飯丸如黍米入每服三丸以梨汁下化盡涎為度更量大小加減

治小兒驚搐丹砂散方

丹砂壹錢

膩粉壹錢

蜈蚣壹條酒浸炙

蠍梢

肆拾枚炒

右四味搗研為細散每服一字匕薄荷汁調下

治小兒急風搐搦不定聖紅散方

天南星

壹箇重壹兩者先炮裂於五月一日用好酒浸每日換酒浸至端午日用大蠍屎

枚熟蠍屎乾去末天南星

丹砂半兩細研與天南星同研令勻

右二味再同研為散每服一字匕薄荷湯放冷調下

治小兒急驚風必勝散方

天南星

炮

輕粉

研

甘遂

全蠍炒各壹分

巴豆

去皮心膜出油柴粒丹砂壹錢

麝香研半錢

右七味搗研為散每服一字匕要吐瀉酒調下取涎

薄荷湯調下未周碎兒減之



治小兒急驚并宣轉風熱龍腦水銀丸方

龍腦

研

麝香

研各壹字

豬牙皂莢

炙

甘遂

各壹分

膩粉

研壹錢

青黛

研

水銀

結沙子各貳錢

巴豆

去皮心膜研柒粒不出油

右八味搗研為末麩糊丸如麻子大一歲一丸更量

病緊慢及兒大小加減用薄荷湯下

治小兒急驚手足癱瘓咽膈涎盛巨聖散方

大黃

乳香

研各貳錢

麝香

研半錢

丹砂

研壹錢

膩粉

貳錢

雄黃

研半錢

蠍稍

炒

白附子

炮各壹錢

右八味搗研為散每服一字或半錢匕薄荷湯調下

更量大小加減服

治小兒急驚風銀朱丸方

水銀

結沙子半皂子大

甘遂

貳錢

丹砂

研

輕粉

各壹錢

龍腦

半錢

右五味同研細鍊蜜和為劑子每服旋丸如半皂子

大量大小加減煎薄荷湯化下

治小兒驚積涎潮發搐青黛丸方

青黛

壹錢

大戟

半兩米泔水浸壹宿用枯樓根末壹處炒黃色不用枯樓

未取大戟

壹錢

石鷲子

取末壹錢



棘剛子

生去殼拾肆枚

續隨子

去皮研

天南星

炮

木香

搗末

麝香

研

乳香

研

粉霜

研各壹錢

右一十味搗研為末水浸蒸餅心為丸如梧桐子大

二三歲兒金銀薄荷湯下一二丸量大小虛實加減

治小兒急驚定搐中分散方

螳螂

壹箇中分

蜥蜴

壹箇中分

赤足蜈蚣

壹條中分

右三味各隨左右一邊同為細末右治女子左治男

子有患急驚搐者每用一剋耳吹入鼻內搐左即左

定搐右即右定

治小兒急驚及天癆客忤白虎丸方

青黛

麝香

白牽牛末

甘遂末

寒食麩

大黃末

各參錢

膩粉

龍腦

粉霜

各壹錢

右九味各研細和勻滴水丸如雞頭實大每服半丸

一九磨刀水化下量大小加減微利為度

治小兒急驚風咽膈痰壅迷悶口噤手足搐搦水銀丸

方

水銀

以棗肉壹分同研令星盡

膩粉

研

天南星

炮

乾蠍

微炒各壹分



右四味搗研為末同研令勻再添棗肉丸如黍米大每服五丸乳香湯下薄荷湯亦得量兒大小加減

治小兒急驚風壯熱吐涎鶴頂丹方

丹砂研細 蜈蚣炒各半兩 膩粉壹錢

巴豆去皮心膜出油柴粒

右四味搗研為末煮麩糊丸如黍米大每服一丸煎桃人湯下量兒大小加減服之

治小兒急驚佛手散方

天南星壹枚重壹兩者用新薄荷壹束搗碎同水浸柴日夜取出切作片子暴乾

丹砂研半錢 蜈蚣赤足全者壹枚 膩粉抄貳錢七研

右四味搗研為散研勻每服一字匕薄荷熟水調下一歲已上漸加至半錢匕欲作丸用棗肉丸如萊菔子大一歲十丸一歲已上加至十五丸亦薄荷熟水下

治急驚碧霞丸方

巴豆去皮心膜研出油盡參拾粒 硫黃研

乳香研各壹錢 膩粉抄貳錢七 青黛研半錢

右五味各細研和勻用糯米飯丸如菉豆大每二歲二丸冷薄荷湯下急驚風用棘剛子新薄荷研湯下治小兒急驚身熱涎壅拘急牽掣口噤上視輒紅丸方



丹砂研

膩粉各壹

龍腦半錢

蠟梢壹錢

水銀貳錢

半夏參柒枚湯洗

末

硃砂研

粉霜各壹錢

巴豆伍拾粒去皮心

右九味為末鍊黃臘一兩入熱油少許同藥末研勻

為膏旋丸如棗豆大每服二丸至三丸量兒大小虛

實龍腦膩粉水下

治小兒急慢驚風黑神丸方

膩粉壹錢

墨

白麩

盧會研各壹錢

麝香研

龍腦研

牛黃研

青黛研

使君子去殼麩畏炮熟各半

錢

右九味同研勻細麩糊丸如梧桐子大每服半丸薄

荷湯研下要利即服一丸俗名睡驚丸少不同耳前

後用之垂死兒一服即差

治小兒急驚手足搐搦目睛直視輒金丸方

胡黃連壹錢

使君子伍枚

天漿子炒柒枚

香墨

麝香研

青黛

膩粉各壹錢

右七味搗研為末以寒食麩為糊和丸如小豆大每



服一九金銀薄荷湯化下量兒大小加減服

治小兒驚風眠睡不穩牛黃丸方

牛黃壹錢

丹砂研貳錢

水銀用鉛結成沙子用雞頭許

蠍梢

去土炒貳枚為末

天南星

壹枚如錢許大者為末

膩粉

貳錢

金薄片

伍片

麝香

壹錢細研

右八味同研令勻煮棗肉和丸如芥子大每服三九

至五丸金銀薄荷湯下量兒大小加減服

治小兒驚積鎮心化涎小丹砂丸方

丹砂研壹分

巴豆

去皮心膜出油盡參拾粒

半夏

湯洗柒偏為末炒貳錢七

杏仁

先炮過後湯浸去皮尖雙

人研伍枚

右四味搗研為末麪糊丸如棗豆大每服一丸荆芥

薄荷湯下三歲二丸五歲三丸如驚伏在內即驚積

行盡仍舊藥出如無驚積藥更不下

治小兒急慢驚風蠍梢散方

蠍梢

柒枚

烏頭尖

柒枚

半夏

壹枚漿水煮過

丹砂

研半字

附子

生去皮臍壹分

右五味搗羅為細散每服一字匕煎柳枝湯調下

治小兒急驚體熱涎壅四肢拘急筋脉牽掣白花蛇丸

方



白花蛇頭壹枚自開口者生用

乾蠍全者炒半兩

小牛黃研壹分

丹砂研壹分

麝香研壹錢半

右六味搗研為細末鍊蜜和為劑每服旋丸如一棗

豆大薄荷溫水化下

此方見金匱要略

此藥出西域

此藥味甘平

此藥性溫

大德重校聖濟總錄卷第一百六十九

